



東西洋考

自卷之一
至卷之三

和装本

ル 7

3055

1





ル 2
3034
1





至仁聖二尺一与商人鬻貨撤
中貴室部為濫降號為自受子

琅言

聖天子恩德明珠大貝悉聽賈人
自有之無形掠此進為方七座

門 儿 7
號 3055
卷 1

門 儿 2
號 3034
卷

筆換是編以報曰是殘方之
紀主象之逸叢也而以供史氏
他日之採毫煩翰軒躬訊其地
榷臣不敏藉以不尸素云耳
時

昭和十三年
十月二十四日
攝

萬曆戊午人日金陵王起宗書
於三事餘思軒



卷六

東西洋考

主脩姓氏

督餉別駕金陵王起宗校梓

署郡司李泰和蕭基訂正

龍邑令君荆溪吳奕參定

前澄令君構李陶鎔咨訪

澄邑令君臨川傅樾參閱

纂脩姓氏

海濱逸史龍溪張燮撰次

東西洋考目錄

卷之一

西洋列國考

交趾 清華 順化 廣南
新州 提夷

卷之二

西洋列國考

占城 暹羅 六坤

卷之三

西洋列國考

下港 加留吧 東埔寨 大泥 吉蘭丹

舊港 占卑

卷之四

西洋列國考

麻六甲 啞齊 彭亨 柔佛 丁機宜

思吉港 文郎馬神 池悶

卷之五

東洋列國考 東番考附

呂宋 大港 南旺 玳瑁 中邦 呂蓬 磨老 央 以寧 屋黨 胡霧

蘇祿 高藥 猫里務 樵老 沙瑤啞嘍嘍 班隘

美洛居 文萊 雞籠淡水

卷之六

外紀考

日本 紅毛番

卷之七

稅餉考 水餉 陸餉 督餉職官 公署

卷之八

舟師考 內港水程 二洋針路 祭祀 占 驗 水醒水忌 定日惡風 潮汝

卷之九

稅璫考

卷之十

藝文考

卷之十一

藝文考

卷之十二

逸事考

東西海洋
輿圖考異

東西洋圖考全圖



東西南海夷諸國總圖


界內每方四百里界外海中風迅不常難以里載




西洋海夷諸國 餘國莫可考



東西洋圖考全圖





日本島夷入寇之圖



海防要論

總督尚書胡宗憲云防海之制謂之海防則必宜防之于海猶江防者必防之于江此定論也 國初沿海每衛各造大舡百外出洋哨守海上諸島有烽墩可停泊自吳淞江口及劉家河夫乍浦之地海灘淺闊無山巖避風處不若海中洋山殿前可集可泊舡也吳淞江口及劉家河出海紆迴又非泊舡處所議者欲分番乍浦之舡以守海上洋山蘇淞之舡以守馬蹟定海之舡以守大衢則三山品峙哨守相聯可扼來寇而又其外陳錢諸島猶為賊衝三路之要兵部原題副總兵俞大猷統領戰舡駐劉海上防賊截役則如陳錢乃其所當屯泊而提督軍門及海道等官每于風汛時月相叅巡察有警則我大舡火器衛截賊入使不得越各島則彼毒無所施孽孽不作而外地安堵矣總督胡公與趙工尚之議建而餒至必預知為備亦甚易也善體二公立法之意

東西洋考

凡例

一島外諸國惟交阯占城暹羅彭亨呂宋蘇祿
船人所稱尚沿故號若下港之為瓜哇東埔塞
之為真臘大泥之為渤泥舊港之為三佛齊麻
六中之為蒲刺加啞齊之為蘇門答刺思吉港
之為蘇吉丹暹閩之為吉里地問文萊之為婆
羅猶里務之為合猶里往往訛璞為杵認魯稱
魚是必質之方言叅之鄰壤驗之謠俗方物始

能得其主名用心良苦今於屬掇輒書古號若
標題某國則仍依舶人給引之舊使俗眼易于
披閱而里耳可以不驚也

吐古城之先為林邑在唐為環王暹羅之先為
亦土婆羅刹後又為暹與羅斛二國爪哇之先
為閩婆亦曰社婆三佛齊之先為干陀利滿刺
加之先為哥羅富沙蘇門答刺之先為大食
宿學不能綜其變而名其源歐陽永叔作五代
史尚誤稱占城前代不人中國况豎儒哉自非

窮搜千卷鮮不迷亂余所稱引俱本于先正所
論次而折衷之非敢臆見妄為牽合也

一諸國前代之事史籍倍詳而明興以來為
畧卽國初之事掌故祖備而嘉隆以後為尤畧
每見近代作者叙次外夷於近事無可縷指輒
帛此後朝貢不絕一語唐塞譬之為人作家傳
叙先觀門閥甚都至後來結束殊蕭索豈非缺
陷余每恨之間探于邸報所抄傳與故老所誦
述下及估客舟人亦多借資庶見大全要歸傳

信

一列國各立一傳如史體其後附載山川方物
如一統志體以其爲船政而設故交易終焉
一集唐所載皆賈舶所之若琉球朝鮮雖我
天朝屬國然賈人所米嘗往亦不掇入或曰日
本紅夷何以特書書其梗賈舶者也
一司關者其人強半見在不便立傳第賢者又
不宜泯沒聊于各名下爲誌數語其有碑可採
者亦附載名下以見繫思倘碑出溢情與本官

名實不相肖則削不錄

一紀稅瑞者何曰史不有宦者傳乎間一展卷
如久病暫蘇追念呻吟嘗藥之候悲喜交集乃
國醫之功不可誣也卽附逐瑞疏于後如譜良
劑焉

一舶人舊有航海針經皆俚俗未易辨認余爲
特考而文之其有故實可書者爲鋪飾之渠原
載針路每國各自爲障于不勝破碎且參錯不
相聯余爲鎔成一片沿途直叙中有迂路入某

港者則書從此分途軋入某國其後又從正路
提頭直叙向前其再值迂路亦如之庶幾尺幅
具有全海稍便披閱若謂新豐之雞犬識路穆
滿之臺榭積蘇則吾豈敢

一藝文逸事不載者尚多無論搜剔所未及卽
余自能覩記者亦僅行其一嚮聊待後人之補
入

張燮紹和識

東西洋考卷之一

西洋列國考

交趾

清化
新州

順化
提夷

廣南

交趾古南交也秦爲象郡漢滅南越置九郡交
趾其一也光武時女子徵側徵貳反馬援討平
之後改交州隋復爲交趾郡唐置都護府朱梁
時曲承美據地輸款授承美節鉞已復弁于南
漢其後州將爭立所部雲擾丁部領及子丁璉
討平之宋綏嶺表璉內附封交趾郡王蓋於是

淪為夷矣璉弟璿嗣為其將黎桓所募貢使不絕
宋史曰宋鑄使黎桓歸闕上令條列形勢及
內都指揮丁承正等以船九艘卒三百人至太
平軍來迎由海口入大海舁涉風濤半月至白
藤徑入海汊乘潮而行宿泊之所皆有茅舍三
間營葺尚新目為館驛至長州漸近本國務為
誇詫盡出舟師戰懼謂之水軍宵征抵海岬至
交州僅十五里有茅亭五間題曰茅徑驛至城
一百里驅部民畜產妄稱官牛數不滿千揚言
十萬又廣率其民混於軍旅以雜色衣乘船鼓
譟近城之山虛張白旗為陳兵之象俄而擁從
桓至展郊迎之禮桓歛馬側身間皇帝起居畢
按轡偕行時以檳榔相遺馬上食之此風俗待
賓之厚意也城中無居民上有茅竹屋數十百
區以為軍營而府署湫隘題其門曰明德門桓
質陋目眇自言近歲與蠻寇接戰墜馬傷足受

詔不拜信宿之後張筵出臨海汊為娛賓之遊
桓跣足持竿入水標魚每中一魚左右皆叫噪
歡躍凡宴會與坐之人悉令解帶冠以帽子桓
多衣花纈及紅色衣帽以真珠為飾或自歌勸
酒嘗令數十人扛大蛇長數丈饋使館曰若能
食此當治為饌以獻焉又羈送二虎以備縱觀
皆卻之不受士卒三千人為食兵器上有弓弩木
糧以禾穗日給令自春為食輕銳殘忍比小
牌梭槍竹槍弱不可用桓輕銳殘忍比小
事者擢居親近左右有小過殺之或鞭其背賓
佐小不如意亦捶之黜為閹吏怒息乃復其位
而令其制樸陋桓一日請同登遊覽
地無寒氣十一月猶衣夾衣揮扇云然屢為寇
害漸失藩臣禮桓卒諸子爭立及廷龍嗣苛虐
不道李公蘊逐之遂代為王
其孫曰尊稱帝數
改元僭號大越

傳至吳昌無嗣為其壻陳日昷所有

宋史曰李氏有國凡

八傳二百二十餘年

元攻下之封其子光昂為王世貢不

絕顧時時遣將躡踪其地

高皇帝蕩平區宇王陳日燿率先內附遣學士

張以寧封為安南國王會日燿卒侄日燧嗣請

詔印于以寧拒之吾受命封先王何得予若日

燧乃請于朝遣編脩王濂主事林唐臣封日燧

嗣王而賞以寧得使臣體未幾陳叔明墓立叔

明死子日焜為其臣黎季犛所弒

蒼霞集曰叔明老弟熹代

視事熹攻占城敗死弟熹代先是南占城毋相攻至是以叔明兄弟怙強速禍復遣使諭之二十一年黎季犛弒熹

上嘗戒安改國大虞稱

立叔明子曰焜旋為季犛所弒

太上皇使其子胡奩為國王詐稱陳氏絕無後

而奩其甥也請權國事

文皇帝許之俄而陳氏之孫天平者間道愬于

朝胡奩懼表請天平還國封天平安南國王使

都督呂毅黃中大理卿薛巖以兵護之季犛具

牛酒犒師偵騎往壺觴道相屬也不為虞至芹

站伏發殺天平及薛巖

上大怒拜成國公朱能為征夷將軍西平侯沐
晟左副將軍新成侯張輔右副將軍發兵分道
討之吾學編載 上幸龍江禡誓眾曰黎賊父
子必獲無赦母養亂母玩寇母毀廬墓母
害稼穡母恣取貨財母捨人
妻女毋殺降有一雖功不宥成國公薨詔新成
侯輔行大將軍事兵躡坡壘隘留二關而入抵
富良江西平侯亦破猛烈關突宣江口出洮水
度富良江與大軍會於三帶州賊立柵屯守師
夜度大破之焚柵煙焰漲天乘勝攻下西都燒
其宮室又破賊艘於木九江嗣大破賊於鹹水

關窮追季犛父子獲之捷聞詔求陳王後已絕
乃郡縣其地立交吐布政司都指揮司按察司
為府十七州四十七縣一百五十
七衛十一守
禦千戶所三論功進封輔為英國公晟黔國公
餘爵賞有差亡何餘孽簡定作亂英國為大將
率兵討擒之踰年陳季擴復叛季擴簡定從子
也輔復往討轉戰連歲始獲之自英公下交南
凡三獲僞王威震西南夷因留鎮其地而尚書
黃福掌藩臬有威惠退外以寧尋召輔歸以豐
城侯李彬代鎮福亦以久得代中貴人馬騏墨

而煩苛失衆心黎利遂乘之反彬不能制所攻
沒郡邑十數命成山侯王通佩將印發二廣兵
四萬并鎮兵討之凡十餘戰利益盛前逼交州
詔安遠侯柳升以精兵七萬往犄角平賊升故
嘗從征安南者銳而輕敵自以千騎爲前鋒敗
利兵前追之伏發橋壞升中鎗死成山侯懼不
敢出乃與利約和以交趾棄之引兵還利於是
送還文武官吏四百十七人進代身金銀香象
布帛謝罪且乞封而

宣宗用大學士士奇榮策

利表言前國王遺嗣
高今在老樞請嗣封

上集大臣議英國公臣輔尚書臣義臣原吉皆
言交南本中國地勞苦得之不宜墮成功大學
士臣士奇臣榮言兵興以來天下無寧歲今瘡
痍未起而復勤之臣不忍聞且求立陳後者
太宗皇帝心也求之不得而後郡縣今因其請
撫而建之以息吾民於討大便漢棄珠崖前史
榮之安在爲示弱乎
上日卿二人言是

遣少宗伯李琦少司空羅

汝敬等持

璽書赦利求陳氏後立之利詭陳氏已絕更遣
少宗伯章敞納言徐琦冊爲權署安南國事利
遣使入謝解歲金五萬兩然已改元順天帝其

國中矣利死子麟立借號紹平偽諡利太祖高皇帝遣使告哀

求冊權署國事正統丙辰以少司馬李都納言

蔡亨持節冊為安南國王麟復政號大寶久之死子濬

嗣借號太和偽諡麟太宗文皇帝請冊朝貢不絕天順時為庶

允琮所弒自立借號天興大會黎壽域等起兵殺琮

而立濬弟灝借號光順成化初與鎮安土官守岑宗

紹相攻為岑氏所敗占城王茶全攻其化州灝

率兵救之占城退走虜王茶全以歸弘治間灝

死子暉嗣借號景統偽諡灝聖宗淳皇帝暉死子敬嗣借號泰貞未

踰年而死遺命立其弟誼借號端慶偽諡敬肅宗欽皇帝誼立

四年死於弒其會黎廣度等表誼寵信毋黨阮

种阮伯勝恣行克暴民不堪命阮氏圖竊國柄

遷誼別宅逼令自盡臣等與國人共聲其罪黨

與盡伏誅竊見故國王黎灝第二子故臣炤有

子黎調堪任國事乞賜襲封詔許之調借號洪順追諡誼

為厲愍王初灝生二子長即暉次子炤偽封錦江王

暉生敬誼炤生灝調誼被害時炤與灝俱先死

故國人立調而灝之子偽沱陽王諱及弟慮以

允不得立灝妻鄭綏女諫妻鄭惟鏞女是時鄭

疆且握柄於國立調非其意也調既立偽尊父

皇帝多行不義國人惡之正德丙子鄭惟鏞鄭

綏與其黨陳真弒調而諒山都將陳嵩者稱陳

氏後以諒山之甲迫交州殺鄭惟鏞自立陳真

擊走之嵩病死鄭綏等共立諫為主於國借號

偽尊顯哲宗明皇帝諡調其大臣阮弘裕等討

弒調之罪攻鄭氏鄭氏出奔時國柄未有所屬

莫登庸諷羣臣推已典兵登庸者荆門人世業

漁以武舉為陳嵩參

督後歸黎諫累戰功封武川伯鎮海陽以重帛

賂諫左右入柄軍政如太傅封仁國公遂篡奪

偽既得志漸除諫左右易所親信防守之諫潛

起兵攻登庸及為所敗出奔清華時嘉靖元年

也登庸乃偽立慮借號統元追諡亡何配慮并

其母殺之而自立國號大越政元明德時諫尚

擬清華又安順化廣南四道登庸立其子方瀛

居守自稱太上皇率兵攻諫連破之諫走入哀

牢國憤悒死子寧甫七歲故臣共立之於漆馬

江登庸屢攻不能克鄭惟僚以黎寧命來請兵

下部議拜咸寧侯仇鸞為大將尚書毛伯溫監
督及督臣蔡經等分道入討乃聚兵以聲恫喝
登庸誘使納款登庸於是為降表請罪獻代身
金人自贖伯溫等為壇兩軍相距登庸脫帽徒
然伏壇下稱詔赦之廣西通志曰嘉靖十五年
皇子生先議頒詔諸夷禮
部尚書夏言奏安南不貢逾二十年宜罷使及
黎寧奏至廷議命毛伯溫為兵部尚書從宜撫
勦兩廣督臣潘旦疏稱莫氏奸雄之賊黎氏逆
利之裔皆非宜立如以夷狄處之則元昊可爵
不義可侯而黎利可王也二氏紛爭兵甲未息
皆欲假天朝名號宜靜觀其變與廷議不合因
召且還以待郎蔡經代之廉州守張岳獨言用
兵之害宜留使者勿前經問岳曰能保毋用兵

降登庸乎岳曰欲降之必令納地令貶號令制
伏詰闕獻國中圖籍聽上處分國體不可褻也
經曰如此能令登庸聽乎岳曰一檄足矣於是
兵事調度一屬之岳司馬毛伯溫至岳手賊情
地形冊子授伯溫曰公計用兵則圖進取方畧
無逾此者然不若罷毋征為完計顧公策安決
耳伯溫密謂岳曰交事屬子矣先是登庸聞廷
議與師遣人上表乞降至是求益懼岳用前言
要之登庸初猶俯疆岳懼以禍令蚤自計於是
登庸惟命會岳遷去登庸復首鼠兩端伯溫經
檄乞還岳廣東登庸曰張公在吾無恐矣伯溫
所策如張岳議乃使通判蘇廷獻傳譯令束身
軍門歸地繳印去借號奉正朔復遣作書諭之
登庸乃以十一月素衣繫組躬率頭日耆士候
于南關萬達等開張幕府設龍亭復以黃幄傳
令開關登庸等由關道左出脫履跣凱旋伯溫
足面北而跪傳解其組及接受降書

東西洋考卷之一
等加秩有差廷議黎寧非真黎氏後以登庸為
都統使鎮安南然帝其國自如也登庸方瀛相
繼死孫福海嗣位又死子宏漢幼大臣阮敬等
專權國復亂四十三年貢使黎光賁至京光賁
以國難羈留南寧者十五年至是乃達其後貢
遂絕萬曆間莫茂洽為都統使茂洽死國大亂
數年鄭惟燎子鄭檢立黎暉後維邦為主維邦
死子維潭嗣盡逐莫氏遺孽詣督臣請款關輸
貢移文擅用前國王印守臣詰之維潭飾詞對

然請款愈堅與約必以高平居莫氏如黎氏漆
馬江時維潭心難之遁去頃之復款具言其恢
復之義歸附之誠高平乃其故土且莫氏墓臣
不宜漆馬江為比守臣曰莫氏先世雖墓逆今
日乃國家外臣也使假息一隅毋遽殄絕是我
國家所以鎮撫四夷共其忠難之意維潭乃聽
二十四年夏築壇受降如登庸故事廣東通志
曰維潭抵
關同知黃宇李陶成出關傳譯詰以六事首擅
殺貢臣曰復仇之惡不皇請命乞矜其愚次維
潭曰世孫也其祖黎暉天朝會錫命焉次鄭松
曰隸臣世以衛黎非冒黎也然則何霄遁乎曰

以儀物之不戒非遁也幸不加討其自今有死
無二金印何在曰權做爲之立銷矣至安插猶
伴對不決復譯諭曰均貢臣也黎昔可漆馬江
莫獨不可高平乎且分土旣定庸何傷阮澧等
語塞趨白維潭曰謹遵命黃宇還報授澧款關
儀節使旋習之初十晨開關先夷枉次夷使衛
兵次維潭弁通國臣者俱魚貫入維潭褫衣跣
足身繫白組北面伏地陶成親解其組維潭起
着衣履同臣者五拜三叩頭訖進服罪表次進
金人代身姑令戴罪還國候旨維潭又五拜三
叩頭畢候龍亭前赴左江道請用賓主見又請
稍降階俱不從黃承祖從旁厲聲示維潭今復
國不費檳榔半咽何靳四拜遂督臣陳大科疏
下拜各頭目皆羅拜張具犒之

言莫之慕黎其事逆
先朝猶赦其愆况黎之復讐其名正今日宜許

其順以夷治夷

祖宗成法事下部議如大科言以維潭爲都統
使安南復定萬曆間黎維新嗣維新雖國主然
政無纖鉅悉決於大臣鄭松所擁虛噐耳三十
五年交南苦饑叛會集衆掠欽州輒散去督臣
戴耀遣兵討捕之移檄維新自縛叛會松縛企
揚扶安扶忠三人來獻其與粵西連境者歲歲
爲南太憂督臣周弘謨請增兵增餉以需大創
云其俗夷獠雜居獷悍喜鬪或剪髮或椎髻口

赤齒黑跣足文身暑熱好浴故便舟善水惟交
愛人個儻好謀驩演人淳秀好學則從古傳為
美譚國中尚知祀文宣王用制科取士亦猶中
華之遺教也其地分十三承政司廣志曰欲示
土地之廣疆
分折為郡縣其實一承政不能及中國一府或
自舊縣升為府如慈山泚仁之類或承政只管
一府如安邦諒江之類類舊名多更改割裂船人稱東京者即其故都
其王居曰日南殿

清化港即舊清化府也是漢九真郡治之地隨
唐為愛州在交趾為西京今為清華承政司

順化港即舊順化府也今為順化承政司

廣南港即舊乂安府也漢為日南隋唐為驩州
今為廣南承政司太傅阮某鄭松之舅也松既
執國政阮不能平擁兵出據于此威行諸部某
卒其子始脩貢東京

新州港即舊新安府也今為海陽承政司

提夷港亦交趾屬縣以上風俗大約與東京相
類尚有汝南承政京北承政山西承政諒山承
政太原承政明光承政興化承政乂安承政
賈船所不到
附載于此

形勝名蹟

佛跡山 在交州府石室縣有巨人跡

室縣古勾漏縣在其下漢書註勾漏

有落水牛上岸共鬪角軟還復出

江府嘉林州一名東臯山

唐刺史高駢建塔其上

樵夫觀二仙 金山 在武寧縣唐刺史高駢欲

奕棋於此 漢書註九真郡居風縣有山

出金牛往往夜見光輝十里

虛洞山腰有瀨玉橋 丘 嶓山 在諒江府丹巴縣

白雲庵林岫之勝 安子山 在象山漢安期生得道處

相傳漢伏波將 雲屯山 在新安府新屯縣大海

宋海徽名山圖 雲屯山 市兩出對峙一水中通

以爲第四福地

商舶多 大圓山 在新安府新安縣大海中突起

聚此 鳳翼山 在邑人歲時登覽

特 花山 在大原府弄石縣下有隴山 在太原府

面皆峭壁中 戲馬山 在清化府未寧縣一名遊

有村墟在焉 安鑊山 在清化府東山縣出美石漢

邑人九日 安鑊山 在清化府東山縣出美石漢

爲 天琴山 在夜間天籟聲故名未樂初氏

兵擒黎賊 橫山 在州刺史朱蕃求以日南北鄙橫

子蒼于此 傘圓山 在嘉興州其艾山 在嘉興州蒙

山爲界 勢高峻雄偉

即此 艾山 在嘉興州蒙

花雨後漂水羣魚吞之便過龍門江化爲龍 富

良江 在交州府東關縣一名瀘江上接三帶州

于海宋郭達破蠻决里隘次富如月江 元兵與

戰天德江 一名廷蘊江又名東岸江未樂初黎

處浚治舟來蘇江 舊名蘇歷江自交州東北轉而

此故名末樂初王部尚書黃福宣光江 府曠縣

源自雲南教化長官司入境流七百餘海潮江

在建昌府快州自阿魯江分流下龍門江 在嘉

通縣漢書註封谿縣有隄防龍門水深百尋大

魚登此門化成龍不得過暎鯉點額血流此水

恒如舟池一統志曰源出雲南寧遠州至此橫

截江流中分三道飛湍聲聞百里舟過此必昇

上岸方夜澤 在建昌府東結縣梁時有阮賁世

可復行夜澤 為豪右陳霸先擊破之賁逃澤中

夜則出掠龍溪 在鎮蠻府廷河縣昔陳氏夜過

因號夜澤龍溪 江不能渡忽見一橋跨江既渡

同顧不見及有天威涇 唐高駘以交州至邕川

開五道有青石徑或傳馬援不能治東津渡 在

既而震碎其石亦得通因名天威涇東津渡 在

州府東關縣瀘江舊以舟楫往來阻風金溪窈

水經註曰朱戴維將子名詩索縻冷維將女名

徵則為妾則有膽勇攻破州郡為王馬援將兵

討之走入金溪越王城 在又安府東岷縣又名

時安陽王所築安陽王舊都城越璽城 望海城

築二城 大羅城 在交州城外漢交趾郡唐安南
守之 築高駢脩廣之宋 雜王宮 交州異域記曰交趾
李公蘊立國于此 隨潮上下民墾食其田因名雜民設雜王雜侯
主諸郡縣縣多為雜將銅印青綬後為蜀王子
所滅今三帶 天使館 元傳與礪使安南題詩云
州官址尚存 江白日迴喻蜀豈勞司 浪泊 在交州府東關縣
馬傲朝周終見越裳來 交趾謂官屬曰吾弟少遊常哀吾慷慨有大志
嘆曰土生一世但衣食纒足為郡縣吏守墳墓
鄉里稱善人足矣至求羸餘自苦耳吾在浪泊
西里間下潦上霧毒氣薰蒸仰視飛鳥站地墜
水中念少游 銅柱 馬援破交趾立為漢界誓云
語何可得也 柱二銅

物產

金 爾雅曰黃金謂之盪孔融曰金之優者謂之
紫磨一統志謂太原諒山又安等府所出也
珠 晉陶璜為交州百姓無農
惟採珠為業以珠易米 辟寒犀 唐開元間
角一株色黃如金以金盪置殿中煖
氣襲人上問其故使者曰辟寒犀也 珊瑚 一統
有赤黑二種在海直而軟見日曲而 犀角 宋及
堅漢初趙佗獻赤珊瑚號絳火樹 犀角 本朝
充貢山海經曰犀三角一在頂上一在額上一
在鼻上鼻上者小而墜食角也交州記曰犀
有二角鼻上角長額上角短或 象牙 爾雅翼曰
曰三角者水犀二角者山犀 猶愛惜之掘地而藏必削木為偽齒潛往
易之覺則不載故處宋及本朝交趾充貢 貝 吹
期交州記曰大貝出日南如酒杯廣州志曰貝
有八紫貝最美出交州萬震曰乃有大貝奇姿

難備交趾以**玳瑁**本草曰大如扇似龜甲有文

南皆有之**負十二葉**有文藻取用必倒懸其身用滾醋潑

之逐片應手而下但不老大則皮薄不堪用耳

翠羽爾雅謂之鵠異物志雄赤曰翡雌青曰翠

傳云翠被而**銅鼓**廣州記曰俚僚鑄銅為鼓面

楚詞云翠帷**魚周**回有蝦蟇十二相對初因鄉里小兒聞鳴

得駱越銅鼓改鑄馬式蓋**銅**從來久矣**冊砂**晉

漢而有之與今制不同**洪煉**用求為勾漏令杜

子美詩交趾冊砂重**奇楠香**其香經數歲不

故價轉高以手爪刺之能入爪既出香痕復合

如故華夷考曰香木枝柯竅露木立死而本存

者氣性皆溫為大盞所穴蟄食石密歸而遺於

香中歲久漸漬木受密氣結而堅潤則香成矣

近世以制帶鏤率多湊合**奇楠香油**真者難得

頗若天成純全者難得耳**沉香**圖經曰木類椿櫟

楠香碎漬之油中以**沉**多節葉似橘花白

熬之而成微有香氣**子似**檳榔大如桑椹交州謂之密香斷其積年

老根經年皮幹俱朽爛木心與枝節不壞者即

香也堅黑而**速香**南方草木狀曰交趾密香樹

沉水為沉香**別也**心與節堅黑沉水為沉香而者為雞骨

香根為黃熟香幹為棧香細枝緊實未爛者為

青桂香根節輕而大者為馬蹄香同出**安息香**

一樹今人名速香蓋黃熟語音之訛矣**酉陽雜俎**曰其樹呼碎邪樹長三丈許刻皮出

膠如節名息香本草云似栢脂黃黑色為鬼新

者亦柔軟一統志曰樹如苦棟大而**詹糖香**圖

直葉類羊桃而長中心有脂作香**蘇合油**圖經

合香與真紫檀相似而堅實極芬香今不復見
 但用如膏油者極芬烈耳陶隱居以為是獅子
 屎外國說不爾梁書云蘇合香是諸香汁煎之
 非自然一物也先煎其汁為香膏乃賣其滓與
 賈絹按九真郡蠶年八熟繭小輕薄絲弱綿細
 人多用之其色近**東京布**亦吉貝所織也薄者畫家
 古本朝充貢**東京布**者尺幅甚狹**鈴羊角**郭
 曰麤似羊而大角圓銳陳藏器曰鈴羊夜宿以
 角掛木不著地但取角彎中深銳緊小猶有掛
 痕者是交趾**明角**牛白者角亦白是稱明角雄
 出高石山**明角**角大而直雌者多磊塊故價
 為**烏角**考工記曰犗牛之角直而澤老牛之
 角許氏說文曰鹿解角獸雅翼曰鹿陽獸遊山
 居則環角外向**獺皮**卑雅曰似狐而小青黑色
 以防物之害已**獺皮**膚如伏翼一歲二祭其先

取魚水滴四面陳之謂之**馬尾**宋時占城多從
 祭魚今人集其皮為裘**馬尾**交吐市馬則馬
 故所**蠟**陶隱居云蠟生蜜中故謂蜜蠟蜂先以
 自出**蠟**此為蜜蠟煎蜜亦得之初時極香軟人
 更煮煉或加**燕窩**燕食海藻吐以作巢依石穴
 少醋酒便黃**燕窩**上伏其卵生雛故多着堊夷
 人梯取之王敬美閩部疏謂海燕所築啣之飛
 渡倦則擲置海面浮之若杯身坐其中久之復
 啣以飛為海風吹泊山灣海人得**胡椒**西陽雜
 之貨以飛為海風吹泊山灣海人得**胡椒**西陽雜
 蔓生根極柔弱長半寸有細條與葉齊條上結
 子兩兩相對其葉長開暮合則畏子葉中形
 似漢椒**鱗肉**周書王會海陽大蟹註海水之陽
 至辛辣**鱗肉**以此貢獻蓋蟾蚌者蟾蚌即鱗
 別名也今人貨**苡薏仁**交南呼為薏珠一名薏
 其乾肉以歸**苡薏仁**珠子馬伏波所以與謗
 也**檳榔**俞安期曰檳榔子既非常木亦特異余
 在交州度之大三圍高丈餘葉聚木端

房棲葉下花秀房中子結房外皮似桐而厚節似竹而穢中空外勁遐立海南遼然萬里嶺表錄異曰安南人採實以扶留藤兼瓦屋子灰競嚼之云交州地溫非此無以祛瘴癘椰志曰樹高六七丈無枝葉葉如束蒲在上實如瓠繫之顛實外皮如胡蘆膚中有汁升餘食其膚則不饑食其汁則增滑交州記曰椰子有漿作酒飲之亦醉○沈佺期椰子樹詩曰南椰子樹香裏出風塵叢生調木首圓實攢椰身玉房九霄露碧葉四時春不及塗林果移根隨漢臣

千歲子 南方草木狀曰藤蔓出土子在根下鬚殼青黃色殼中有肉如織其子一苞二百餘顆皮乾者殼肉相離臧之有聲出交州

波羅密 一統志似北梨四五月熟多食無害

劉 爾雅註核可煮食能飽人嘉林州出者佳

梨酢甜核**石栗** 草木狀曰石栗生石罅間殼厚堅出交趾

豆蔻 異物志曰生交趾形似益食畧盡故彼人**古度** 交州記曰不花而實實從皮香

州樹 南方記曰作肥魚羹和之尤美出九真

多感 州記曰實如燕卵取核乾其皮中

菓 草木狀曰菓醬生蕃國者大記曰多感子**菓** 菓而紫謂之菓交趾多感菓黃包圍一寸**菓** 菓而紫謂之菓交趾多感菓生**留求子** 草木狀曰形如梔子稜瓣深而兩頭核大交**大茄** 草木狀曰交廣種茄宿根三五年吐有之

蘇木 華夷考曰蘇枋樹出九真南人以染

木 顏師古曰楸木名其心似松一

黑竹其粗者名竹枯不中用 棘竹竹生交州

大刺種以爲城卒不可攻萬震異物志所謂種

爲藩落阻過 白緣 交州記曰白緣樹高丈人子

藤 酉陽曰安南人子藤紅色在蔓端有 犀 交州

犀毛如豕蹄有三 象 朝野僉載曰安南有象能

甲頸如馬有三角 兕 兕形如馬鞭柄皮堅厚可制鏡漢靈帝時

九真獻爲奇獸 白鹿 晉元康初白鹿見交趾武

元時安南貢兕 白鹿 寧縣宋元嘉交趾獻白鹿

驕 爾雅云驕如馬一角者驕郭云元康八年九

也 猩猩 水經註云猩猩獸形若黃狗又狀類狍

曰猩猩好酒及履里人置之山谷常數輩爲羣

見酒物知人張設取之先知張者祖父姓名

曰奴欲殺我亟舍爾去也既復還曰狒狒 兩雅

試其嘗酒速醉取屐着之爲人所擒 狒狒 曰狒

反睡見人被髮迅走食人山海經一名梟羊有毛

髮操竹獲人則笑出交廣郭璞贊曰狒狒性獸被

目終亦號跳反爲我戮 果然 山經果然似獼

行老者在前少者在後得果食輒與老者似有

義焉交趾有之南州異物志曰交州果然獸體

不過三尺而尾長四尺餘及尾度身過其頭視

鼻仍見兩孔仰向天其毛長柔細滑澤以白爲

質黑爲文集十餘皮可得 蒙貴 爾雅謂之蒙頌

一縹繁文麗好細厚溫煖 蒙貴 一統志曰狀如

貓而小紫黑色畜之捕鼠甚於貓林元凱爲安

每先知今朝洗面還過耳故篤新圖開閣詩白雉漢光武時日南九真貢孔雀

異物志曰孔雀自背及尾皆圓文五色頭戴三毛長寸以為冠足有距迎晨則鳴相和交吐郡

人多養孔雀殺為脯脂又養其雛為媒傍施網

吾伺其飛下則牽網橫掩之探其金翠毛裝為扇拂或生截其尾以為方物鸚鵡林元凱詩隴

云生取則金翠之色不減鸚鵡頭春樹拂雲

紅學語聲嬌弄晚風上國抵鸚鵡水經註曰交

今辭遠貢莫愁彩羽閉雕籠鸚鵡吐山多髯蛇

長十丈圍七八尺常樹上伺鹿鹿過低頭繞之

有頃鹿死先濡令濕便吞頭角骨皆鑽皮出山

夷始見蛇不動時以大竹籤籤蛇頭至尾殺而

食之以為珍異故異物志曰髯惟大蛇既洪且

長采色駸犖其文錦章食不吞鹿腴成養創實

享嘉宴是豆是觴言養創之時肪腴甚肥搏之

以婦人衣投之蟠紅飛鼠華夷考曰多出交趾

而不起便可得也深毛茸茸然唯肉翼

淺黑色雙伏紅蕉花間捕者獲其竹鼠交州記

一則其一不去婦人帶之為媚藥竹鼠曰竹鼠

如小狗大食鸚鵡魚一統志曰龍門江旁有穴

竹根出封溪鸚鵡魚出鸚鵡魚色青綠口曲而

紅似鸚鵡嘴相蟻子鹽嶺表錄異曰溪洞酋長

傳此魚能化龍蟻子鹽多收蟻卵爭齒為醬非

官客親友不可得食周禮醢人饋食之豆有蚍蟻子即此

交易

賈舶既到司關者將幣報會舶主見會行四拜禮所貢方物具有成數會為商人設食乃給木牌於廬舍聽民貿易會所須者輦而去徐給官價以償耳廣南會號令諸夷埒于東京新州提

夷皆屬焉凡賈船在新州提夷者必走數日程
 詣廣南入貢廣南會亦遙給木牌民過木牌必
 致敬乃行無敢譁者斯風稜之旁震矣順化多
 女人來市女人散髮而飛旁帶如大士狀入門
 以檳榔貽我通慇懃士人嗜書每重貲以購焉
按宋史大觀初貢使至京乞市書籍有司言法
 不許詔嘉其慕義許之然則彼國嗜書正非一
 耳朝

論曰久矣夫交南之為郡縣也

文皇帝振宋之陋六師所指海直電飛漢唐土

疆於茲重闢厥績偉矣迨英公內旆銜命宵人
 馬竭猶求獸窮則逸

宣廟以止戈為武休息甚弘然楚楚冠裳棄成
 鱗介不得與珠崖儋耳同被華風則大造者之
 斬此一方靈秀也二百餘年羈縻勿絕保境戢
 惠固獻琛而稱藩易姓代興終款關而待命雖
 僭竊未改視黎桓時則有分矣

東西洋考卷之二

西洋列國考


占城

占城古越裳地也秦林邑漢象林及區連殺縣令自立稱林邑王數世中絕外甥范熊代之子

逸嗣逸死奴文墓立

梁書曰文本夷帥范稚家奴嘗牧羊出澗得醃魚二

化而為鐵因以鑄刀乃成文向石呪曰若斫石破者文當王此國因斫石如斷芻藁文心異之范稚嘗使之商賈至林邑因教林邑王作宮室及兵車器械王寵任之後乃讒王諸子各奔餘國及王死無嗣文僞於鄰國逐王永和間襲破子置毒漿中殺之魯國人而自立



日南殺其守夏侯覽以屍祭天屯日南久之

梁書

曰夏侯覽為太守侵刻尤甚林邑貪日南地肥沃常欲畧有之因民之怨遂舉兵襲日南殺覽以其屍祭天留三年乃還交州刺史朱藩遣劉雄戍日南文復屠滅之遣使告藩願以日南北境橫山為界藩不許遣陶緩文死子佛嗣屢為討之文歸林邑尋復屯日南

晉兵所破然亦世為交南患

梁書曰佛立猶屯日南征西將軍桓

溫遣滕峻灌遂帥交廣兵討之佛嬰城固守峻盛兵於前遂帥勅卒自後踰壘而入佛眾驚潰追至林邑佛乃請降昇平初復為寇暴刺史溫放之討破之隆安二年佛孫須達復寇日南執太守靈源又寇九德執太守曹炳交阯太守杜瑗遣鄧逸擊破之即以瑗為刺史義熙三年須達復寇日南殺長史瑗遣阮斐討破之斬獲甚衆九年須達復寇九真行郡事杜慧期與戰斬

其息及生俘百餘人自瑗卒後林邑無歲不寇日南諸郡殺傷甚多交州遂致虛弱至孫

文敵為扶南所殺大臣范諸農平其亂自立為

王傳子陽邁宋末初時遣使來貢

南史曰陽邁初在孕其母

夢生兒有人以金席藉之其色光麗夷人謂其金之精為陽邁若中國云紫磨者因以為名其

後叛服靡常交州刺史檀和之將兵擊之深入

其境齊梁亦通使往來隋時為大將劉方所破

北史曰仁壽末上遣大將軍劉方擊之王梵志乘巨象戰方軍不利方多掘小坑草覆其上與戰僞北梵志逐之其象陷大破之入其郡獲其廟主十八枚皆鑄金蓋其國有十八世方班師梵志復其故地至唐而范始滅國人立其姑子諸葛地

更號環王元和初都護張冊擊走之徙國於占

占城之名所自始也宋時襲破真臘

文獻通考曰閩人有

泛海之吉陽軍者飄至占城見其國與真臘乘象以戰無大勝負乃說王騎戰教之弓弩騎射王大悅具舟送之吉陽厚齎隨以買馬得數十匹以戰大克

後真臘大舉復

讐俘殺幾盡更立真臘人主之元世祖詔降虎

符授榮祿大夫占城郡王即其地立省撫安之

然竟負固大軍南討國王戰敗逃遁然不果降

明興

高皇帝賜占城國璽書國王阿荅阿者遣使朝

貢蓋從此始歸款矣四年王為安南所苦奉表

乞賜兵器樂人俾安南知我為聲教所被不敢

輒欺負

上憐之報曰兩國既共內附豈宜擅兵相攻業

詔安南無開疆釁兵器不爾吝但以安南故賜

爾是助爾構兵也樂有聲律方言各異中國人

不可遣爾國人能習華語者來習諱十六年遣

子入賀

聖節永樂政元遣使告諭即位其王占巴的賴

奉金葉表來貢

上使行人蔣賓王樞往報之

賜金綺有差且勅安南毋相侵掠從來請也四年遣中貴馬彬諭以共伐安南

詔粵東諸將繕兵甲由海道與占城會

賜占城王鍍金銀印他物甚侈王出兵助征廣通

志曰復遣太監王貴通賫勅往勞賜金幣五年奏言克復安南所侵

地獻俘貢方物

上下詔褒美數年間屢遣使來貢悉厚答之至

命中貴彬護其使臣以歸十三年兵部尚書陳

洽馳奏初討安南時占城王雖聽命出征然實

懷二心愆期不進又以金帛戰象資李擴季擴

以黎蒼女遺之復約陳翁挺侵升華府所隸地

罪下季擴一等耳請發兵征之上以交趾初平

不欲窮兵遠夷遣使諭王歸我侵地其後三年

一朝貢詔書亦間往不絕吳惠日記云正統六年奉使占城王遣頭

目迎詔笳鼓填咽旌麾晡靄靄衣椎髻前奔馳至行宮設宴王乘象迂於國門帳列戈戟以羣象為衛既宣詔稽首受命上元夜請賞煙火襲沉香燃火樹盛陳樂舞民多裸袒士着苧衣

景泰末王摩訶貴殂天順初年弟盤羅悅馳使請封命給事中江彬行人劉寅之持冊往王亦遣使來謝云成化中王茶全爲交趾所破嗣王徙居赤坎邦遣使請封如故事而安南陪臣據其故都詭稱占城王迎詔使臣馮乂誤謂眞王也持封冊給之嗣王古來航海奔廣州投訴更以來朝爲辭督臣屠瀟命叅議姜英覈其事時安南納叛將而助之霍申言古來不當嗣瀟從僉議謂冊印元有古來名宜王其地具疏以聞

仍移檄安南道之順逆安南亦不敢大肆其狼噬乃選官軍二千令東筦商人張宣護送古來還國弘治十八年古來卒沙古卜洛嗣正德五年奉詔冊封者給事中李貫行人劉廷瑞也十二年來朝嘉靖二十一年再至云其俗果于戰鬪尚釋教王冠三山金花玲瓏冠披錦帔着玳瑁履腰束八寶方帶出游乘象或蓄犢車一人持檳榔盤前導從者十餘輩各執弓矢刀鎗

梁書曰王著法服加瓔珞如佛像之飾出則乘象吹螺擊鼓罩吉貝繖以吉貝爲幡旗

民望

之膜拜一而止臣菱葉冠男蓬頭

宋史曰撒髮為髻散髮餘

髻於後

女後椎結居處為閣名曰干闥門戶皆北

向民居茅茨不得踰三尺衣紫衣

梁書曰男女皆以橫幅吉

貝繞腰以下謂之于漫

僭玄黃者論死柳葉為席以麝塗

身山牛不任耕耨但殺以祭鬼今巫祝之曰阿

羅和教他早托生也正月一日牽象周行所居

之地然後驅逐出郭謂之逐邪四月游船十一

月望日為冬至所部各獻方物十二月望日城

外縛木為塔以衣服香藥置塔上焚之祭天釀

酒甕中俟熟甯主繞甕坐筒而吸且吸且注水

味盡而止

星槎勝覽曰非至午不起非至于不睡見月則歌舞為樂

無紙筆

以羊皮搥薄削竹為筆蘸白灰書字

南史曰書樹葉為紙

或擊鼓以警衆或吹蠡以卽戎古稱歲時採生

人膽入酒飲之又以浴身謂之通身是膽也嫁

娶必用八月女先求男同姓還相婚姻使婆羅

門引壻見婦握手相付囑曰吉利吉利

北史曰婚媾令

媒者齋金銀釧酒二壺魚數頭至女家於是擇

日夫家會親賓歌舞相對女家請一婆羅門送

女至男家壻盥手因牽女授之喪用火葬以器乘餘骨沉之

隋書

日王死七日而葬百官三日庶人一日皆以國
 盛屍鼓舞導從輿至水次積薪焚之收其餘骨
 王則內金罍中沉之於海有官者以銅罍庶人
 以瓦送之於江男女皆截髮隨喪至水次盡哀
 而止歸則不哭每七日然香王在位三十年即
 散花復哭盡哀盡七七而罷
 入山茹素受戒曰我不道當充虎狼食或病死
 從此國事不得復相關傳子攝國暮年得無恙
 復入為王國人呼為芳嚙馬恰刺札焉唐書曰呼王為
 陽滿王妻為陀陽河熊大子為阿長通宰相為
 婆漫地○清書曰尊官有二其一曰西那婆帝
 其二曰薩婆地歌其屬官三等其一曰倫多姓
 次歌倫致地次乙他伽蘭外官分為二百餘部
 其長官曰弗羅次曰
 可輸如牧宰之差也

形勝名蹟

金山 在林邑故國梁書曰石皆赤色其鴉候山
 元史曰唐人曾延來言國主逃於大州西北鴉
 候山聚兵三千餘集他郡兵未至不日將與官
 兵交戰諜者云國

主實在鴉候山 不勞山 在林邑浦外唐書曰
 送不勞山 赤坎山 占城王為交趾有罪者使象踐之或
 令自死 區栗城 南齊書曰區栗城建八木城元史曰官

區栗城 尺表日影度南八寸 木城 軍依海岸
 屯駐占城兵治木城四面約二十餘里起樓棚
 立回回三梢砲百餘座又木城西十里建行宮

半山塔 元行省常 羅灣 即占城
 屯兵于此

物產

金 卽金山所出者南齊書曰金汁流出銀元史
其舅奉國王信物大銀三錠小銀五十七錠碎
銀一甕爲質歸款又獻金葉九節標槍曰國王
病未能進先使持錫見吾鐵史見宋寶母原化記
其槍來以見誠意錫學編鐵史見宋寶母魏生得
一美石有胡人見之曰此寶母也每月望設壇
海邊置石其上可得美珠一統志載爲占城產
澄水珠 宣室志曰嚴生得一珠胡人云此清水
城火珠 舊唐書曰范頭黎獻火珠大如雞卵圓
以艾燕之琥珀 華夷考曰林邑多琥珀琥珀在
則火燃 琥珀 地其及傍不生草木深者或
八九尺大如斛屑去皮成水精 一名水玉太康
馬初如桃膠凝成乃堅 水精 四年林邑王獻
紫水精唾壺一口青貝齒 本草曰貝子一名貝
白水精唾壺二口 貝齒 齒生東海梁書云占

城所 菩薩石 周顯德中入貢談苑曰色瑩白若
圓犀角 夷人謂之黑暗宋及本朝充貢吾學編
獨角在鼻端長象牙 夷人謂之白暗瑋瑋見梁
者可尺五寸 象牙 宋及本朝充貢瑋瑋見梁
奇楠香 諸國出者惟占城爲佳本朝充貢星槎
不得採取犯者斲手沉香 梁史曰沉香者土
足吾學緜名伽南香 沉香 人斲斷積以歲年朽
爛而心節獨在置水檀香 佛家謂之旃檀宋及
中則沉故名沉香 檀香 本朝占城以之充貢
圖經曰檀香凡數種有黃白紫之異古龍腦香
今註曰紫旃旃木出林邑亦謂紫檀也 龍腦香
西陽雜俎云樹高八九丈可六七尺圍葉圓而
背白樹有肥瘦形似松脂作杉木氣乾脂謂之
龍腦香清脂麝香 唐書曰以麝塗身日再塗再
謂之波律膏 麝香 澡華夷考曰似麝而小其香

正在陰前皮內別有膜裹之春分取之生者益
 良一說香有三種第一夏食蟲多至寒香滿入
 春急痛目以爪剔出之落處草木皆焦其次臍
 香乃捕得殺取者又次心結香麝被獸逐狂走
 顛墜崖谷而斃破心乳香宋時充貢廣志曰即
 見血流流出作塊者是乳香松木脂有紫赤如櫻
 桃者名乳香蓋薰陸之類也
 香譜云今以通明者為勝
 降真香 本朝充貢
 諸雜香燒煙直上丁香 宋時充貢本草註曰樹
 天召鶴盤旋於上高丈餘凌冬不凋葉似
 櫟而花圓細色黃子如丁香長四五分紫色中
 粗大長寸許者呼母丁香擊之則順理而折
 薔薇水 周時入貢宋史曰灑衣經猛火油 周時
 宋史曰得水愈熾 吉貝 梁書曰樹名也其華成
 國人用以水戰 時如鷺毳其緒紛以作
 布亦染成五朝霞布 唐書曰王妻服朝霞
 色織為班布 又貞觀時以之充貢 絲紋

布 見宋史 白氎布 宋史曰無絲蠶以白氎
 貝多葉 貝多葉長一尺五六寸闊五寸許葉形似琵琶
 而厚夷人以此書字者也織以為篋宋時

如鷺子初出 蘇木 見宋史本 烏楠木 見宋史本
 榘勝覽曰烏木 觀音竹 吾學編曰如藤長丈八
 降香樵之為薪 尺色里如鐵一寸二三
 節 穀 宋史曰每歲稻熟王自割一把從者及婦
 女競割之今漳人所有占栗即占城種也

燕窩 華夷考曰海燕大如鳩春回巢於古巖危
 壁葺壘乃白海菜也鳥夷伺其秋去以脩
 竿接鏟取而鬻之謂 胡椒 宋時入貢 檳榔 唐書曰取
 之燕窩宴品珍之 胡椒 宋時入貢 檳榔 唐書曰取
 酒宋時 椰 故怨遣俠客刺得其首懸之於樹俄

入貢 椰 故怨遣俠客刺得其首懸之於樹俄

化爲椰子林邑王慎之剖爲飲器南人至波羅

今效之當刺時越王大醉故其漿如酒云

密瀛涯勝覽曰占城有果曰波羅蜜狀如冬瓜

皮似荔枝內有黃肉大如鷄子味甘如蜜中

有子似鷲腰子海梧子南方草木狀曰樹與中

少食之味若栗海梧子國松同但結實絕大形

如小栗三角肥甘樽茴香圖經曰懷香子亦名

粗間佳果也出林邑茴香交廣諸蕃出入

藥用番舶者花頭如傘蓋結實華澄茄曰生佛

如麥而小青色宋時占城入貢

普國似梧桐子及蔓荊子微大亦名毗陵茄子

按宋史占城王爲交州所攻奔于佛逝即占城

屬國荳蔻見宋史按宋史載占城所產又有甘

也荳蔻蔗蕉子蓮子麻豆之屬茲不具悉

犀林邑記曰犀行過叢林不通開口露齒前向

棘林自開周顯德中占城獻雲龍形通天犀

獅說文曰虺獅子也爾雅曰狻猊如戲獅食象

虎豹宋史占城傳曰民獲獅象皆輸於王象

酉陽曰環王國野象成群一牡管

牝三十餘國人養馴者可令代樵猩猩見唐書

猿梁天監九白雉時越裳獻白雉王秦吉鳥唐

嬰曰林邑國有結潦鳥謂之吉了能人語華夷

考曰如鸚鵡黑鳥色丹味目下連頂有深黃文頂

毛有縫如人分髮能言比鸚鵡尤慧鸚鵡山經

大抵鸚鵡如兒女吉了聲則如丈夫鸚鵡曰青

羽赤喙人舌能言名曰鸚鵡舌似小兒脚折前

五色鸚鵡太宗異之詔李百藥爲賦又獻白鸚

鵡精識辨慧善於應答太宗憫之並付其使令

放還於山雞異苑曰山雞愛其毛映水則舞傳

林藪珍彼黃中之正色敷文歸飛水經註曰林邑

象以飾身占城宋時入貢歸飛城外香桂成林

氣清澄煙時禽異羽翔集間關兼比翼鳥不比

不飛鳥名歸飛鳴聲自呼俞益期與韓豫童戲

日其背青其腸赤丹心外露鳴情未達終龜宋
日歸飛飛不十千路有萬里何由歸哉
日官無資俸但給龜魚充食

交易

賈舶抵岸獻果幣于王王設食待之國人狠而
狡貿易往往不平故往販者少或謂取人膽者
非止獻王亦以供象洗目伺人于道乘其不意
斫殺之取膽以去若彼人驚覺則膽破不中用
矣置衆膽煮釜中華人膽輒居上故必取華人
膽為貴五六月間商人出必戒嚴

暹羅 六坤

暹羅在南海古赤土及婆羅剎地也以赤土故
後人訛為赤眉遺種隨大業二年募能通絕域
者屯田主事常駿等自南海郡乘舟使赤土宣
詔畢為奏天竺樂曰今是大國臣并復曩赤土
國矣以鑄金為多羅葉隱起成文為表金函封
之遣子隨駿還報此通中華之始也
瞻書曰王遣船三十艘來迎進金鍊以纜駿船月餘至都遣子那邪
迎送金盤貯香花并鏡鑷金合二枚貯香油金
瓶八枚貯香水白疊布四條擬供盥洗其日那
邪迎又將象二頭持孔雀蓋以迎并致金花金

盤以藉詔函男女百人奏蠡鼓婆娑羅門二人導路至王宮駿等奉詔上閣王以下皆坐宣詔訖引駿等坐奏天竺樂事畢駿等還館遣婆娑羅門就館送食曰飲食疎薄願大國意而食之後數日召駿等入宴前設兩牀牀上並設草葉盤方一丈五尺上有黃白紫赤四色之餅羔羊魚鼈鱗蝸之肉百餘品延駿升牀從者坐於地席各金鍾置酒女樂迭奏禮遣甚厚尋遣那邪迦隨駿貢方物并獻金芙蓉冠龍腦香

利羅刹與林邑使者偕來

唐書曰婆利東郎羅刹也常駿使赤土遂

通中其後分爲暹與羅斛二國暹瘠土不宜耕

稼羅斛土平衍而種多獲暹取給焉元元貞初

暹遣使入貢賜來使素金符佩之

元史曰元貞元年進金字

表欲朝廷遣使至其國比表至已先遣使蓋彼未之知也使急追詔使同往以暹人與麻里子兄舊相讐殺至是皆歸順有吉諭暹人勿傷麻里子見以踐爾言大德三年暹

國主上言父時朝廷嘗賜鞍轡白馬及金縷衣

乞循故事以賜帝以丞相言彼小國而賜馬恐

其隣祈都董譏議朝廷竟賜金縷衣不錫以馬

迨至正間暹降羅斛遂稱暹羅斛洪武四年國

王叅烈昭毘牙遣使奉金葉表來朝七年使臣

沙里拔繼至自言荷命來王去秋八月壞舟烏

猪洋漂至南海所餘貢物僅蘇木降香兜羅錦

來獻不敢自外於包茅

上訝其無表詭言舟覆而方物廼存必番商也

卻之

詔中書禮部曰古者中國諸侯此年一小聘三年一大聘九州之外則每世一朝所

貢方物不過表誠敬而已高麗稍近中國頗有
其他遠國如古城安南西洋瑣里瓜哇淳泥三
佛齊暹羅斛真臘等處新附國土入貢既頻勞
費甚大朕不欲也令遵古典不
必頻煩其移文使諸國知之

九年國王哆囉祿遣其子昭祿羣膺貢象及方物下

詔褒諭賜暹羅國王印自是始稱暹羅從

朝命也二十年再貢二十八年哆囉祿殂遣中

使趙達往祭兼賜嗣王昭祿羣膺及妃綺帛毳
布有差永樂元年遣使賀

卽位二年表貢方物遣中使李興往勞賜文綺
鈔帛四年貢使嗣至表乞量衡式許之并賜古
今烈女傳是秋國王遣使與琉球脩好遭風漂
舟入閩守臣籍記方物以請

上謂李至剛曰屬夷締盟美事也朕豈有利焉
鄉有善人猶能救人於危况

朝廷統御天下哉令有司給粟俟便風導之去

七年使凡兩至首春以祭

仁孝皇后秋九月更脩職貢厚報之時南海叛民何八觀等屯聚島外竄入暹羅至是使歸兼諭國王毋爲逋逃主八年貢使附送八觀等還降

勅嘉美十年冬貢復至十三年昭祿群鷹殂子三賴波厝札刺的賴嗣暹羅於蒲刺加夙鞭筆使之徵輸惟命然猶歲歲開兵隙十七年

詔暹羅國王俾與蒲刺加平十八年貢又至遣

中使楊敏護其使還國并報禮王十九年春奉表謝侵蒲刺加之罪七月貢如常儀蓋是歲使又兩至云二十一年貢至賜鈔幣如禮其後著令三載一貢至成化間汀州士人謝文彬者以販鹽下海飄入暹羅因仕其國後充貢使至留都遇從子璿于途爲織錦綺貿易事覺下吏竟遣歸然成化後大率六年一貢矣嘉靖三十二年使至貢白象及方物途中白象已斃遺象牙一枝使者以珠寶飾之置金盤內并貯白象尾

毛為信

廣志曰象牙一枝長八寸首尾廂金起花牙首大五寸七分廂石榴子十顆中廂珍珠十顆寶石四顆尾大二寸廂金剛鑽一顆

上嘉其意而禮遣之隆慶初年東蠻牛

俗名求放沙

婚暹羅暹羅拒之峻東蠻牛恙甚統沙外兵圍

暹羅破之王自經死虜其世子及中朝所賜印

以歸次子攝國奉表請印曰暹羅部領數十國

非

天朝印不得調兵

上命給予

時鄭汝璧為禮部郎白內閣不知印文云何閣臣曰第鑄暹羅國王印予

之可耳鄭曰國初受封未必即稱王且篆文尺

寸或有未合於彼不便彼所有公移舊印文固

在也宜檄粵東撫臣往取循以給之內閣曰然

嗣取印文至則都統使印也迤考諸書國王印

是求樂所賜而耳目刺謬若此豈先朝佯為

駕御之術耶抑邇來在事者因更給而故殺其

權即存之暹羅既敗其後頗為東蠻牛所制嗣

以俟知者王整兵經武志在復讐萬曆間東蠻牛復來寇

嗣王引兵迎擊之殺其子東蠻牛宵遁不敢復

窺暹羅暹羅新雄海外遂移軍攻真蠟真蠟降

從此年年用兵遂霸諸國矣比倭寇朝鮮部議

遣材官諭諸屬國率夷兵攻夷暹羅願領所部

前驅自効經畧都御史宋應昌以聞會倭酋死
 逝去不果行焉其土下濕氣候嵐熱不齊民悉
 樓居樓密聯檳榔片藤繫之甚固藉以藤席竹
 簟寢處其間王宮高九丈餘以黃金為飾雕縷
 八卦備極弘麗隋書赤土傳王居有門三重每
 門圖畫飛仙菩薩之狀懸金花
 鈴旄王宮諸屋悉是重閣北戶北而而坐坐三
 重之榻王榻後作一木龕以金銀五香木雜鈿
 之龕後懸一金光燄夾榻又樹二金鏡前金陳
 金甕金鑪當前置金伏牛前樹一寶蓋左右皆
 有寶扇然則今之暹羅猶畧祖其華靡也諸酋見王禮制甚肅望門
 自拜膝行乃前王與國人白布纏首被服長衫

腰束歎絲帨王獨加以錦綺跨象或乘肩輿尚
 釋教國人効之赤土傳曰其俗敬佛百金之產便以其半
 施佛婦人多智丈夫事無大小悉歸與婦計之
 聽其裁決婦見華人慕悅之置酒款接留宿酣
 狎以為常夫不能禁也吾學編曰男陽歎珠玉
 貴者範金盛珠行鏗然
 有聲婚則群僧迎婿至女家僧取女紅帖男額以
 為吉祥喪禮以水銀灌之葬于高埠蓋塔其上
 貧家烏葬耳以礬製紙施煙粉為白黑田平而
 沃稼穡豐熟其俗勁悍善水戰星槎勝覽曰削
 檳榔木為標鎗

水牛皮為牌 藥鏃等器 大將多用聖鍊裹身刀矢不能入

聖鍊者人腦骨也 方言謂天為會賴地為佃因

一日握啞往二日握步刺三日握嘴四日握悶
六日握文七日握板八日握郎九日握救坤文
則使臣在館教習譯字生者

形勝名蹟 其國有款細灣細辭滑沽奔諸

大帽山 在王官後筆架山 三峯接連 黎頭山 竹嶼

柳樹灣 黃河水 水自五月一派從海中來

苗隨水漲而發水漸高苗亦漸長遂至六七尺
張以九月始退退則稻熟可收田得水而肥其
米純白隣壤 三寶港 是港無 金城 在王 金塔 殿在
多取給焉 鱷魚

丙其中金佛無數高三關 其一為程盡所轄其
七八尺小一二尺 二為本夷所轄其三

為佛郎機 錫門 華人出入必經之處鄭和禮拜

日本所轄 寺 未樂問鄭和所建寺 三寶廟 在第二關祀西

塔 其塔無合尖聞夷人初建塔功成 鄭和令削去之後屢緝不能就

物產

珠 徐衷南方狀曰採珠用五牲祈禱若祠祭有

中秋有月 珊瑚 圖經曰生海底作柯枝狀明潤

是歲多珠 珊瑚 如紅玉海中經曰取珊瑚先作

鐵網沉水底珊瑚貫中而生歲高三二尺絞網
出之皆摧拆在網中故難得完好者今一統志
云以絲繩繫五爪鐵貓兒用黑鉛為墜 琥珀 物
擲海中取之亦其遺法也本朝充貢

志曰松脂淪地中千年化為琥珀 **貓精石** 寶貨辨疑曰
 為茯苓又千年化為琥珀 **貓精石** 寶貨辨疑曰
 酒色潤如指面 **寶石** 華夷考曰錫蘭高山參天
 大者愈大愈好 **寶石** 頂產青美藍石黃雅鵝石
 青紅寶石每遇大雨衝流沙 **金剛鑽** 抱朴子曰
 中拾取之暹羅本朝充貢 **金剛鑽** 金鋼生水
 底石上如鍾乳狀體如紫石英沒水取之鐵擊
 不能傷華夷考曰金剛砂出深山高頂人不可
 到乃鷹隼打食卻於野地上鷹糞 **犀角** 本朝象
 中獲得以其能鑽定器名金剛鑽 **犀角** 本朝象
 牙 本朝 **翠羽** 本朝 **玳瑁** **龜筒** 嶺表錄異曰人
 行取殼以生得全者為貴初用木換出其肉楚
 毒鳴吼如牛古人謂生龜脫筒指此工人以其
 甲通明黃色者煮拍陷 **花錫** 爾雅錫鉛地鏡圖
 毒瑁為器謂之龜筒 **花錫** 爾雅錫鉛地鏡圖
 莖赤秀 **羅斛香** 一統志曰味極清遠 **檀香** 葉廷
 干有鉛 **羅斛香** 亞於沉香本朝充貢 **檀香** 珪香

謂曰皮實色黃者為黃檀皮潔色白者為白檀
 皮腐色紫者為紫檀並堅重清香白檀尤良
乳香 佛書謂之天澤香言其 **降香** 本朝充貢俗
 為番 **片腦** 華夷考曰產暹羅諸國高二三丈皮
 以鋸付狹就谷中尺斷而出剝採之有大如指
 厚如二青錢者香味清烈瑩潔可愛謂之梅花
 片鬻至中國擅翔價焉復 **薔薇水** 華夷考各醃
 有數種其次耳本朝充貢 **薔薇水** 醃露曰海國
 所產天氣凄寒零露凝結着他草木乃水漸木
 稼殊無香韻惟醃花上瓊瑤晶瑩芬芳襲人
 若甘露焉夷女以澤體髮賦香經月 **兜羅綿** 瞿
 不滅暹羅尤特愛重競買畧不論直 **兜羅綿** 瞿
 夫曰兜羅綿 **明角** **烏角** **蠟** 見星槎 **阿魏** 昌
 刀矢不能入 **明角** **烏角** **蠟** 勝覽 **阿魏** 昌
 雜俎曰樹長八九尺皮色青黃斷其枝汁出如
 飴名阿魏海上耳談謂傳之暹羅商云樹如棘

叢生刺若蝟毛春初麀鹿逐在奔著樹輒死
地產大蟻壅泥沙吸之成封垤夷人乃以竹筒
作篋射壅中筒溜成藥彼中食料以此爛物如
鮑肆忘臭按唐本註曰性極臭而能止臭亦奇
物也
獺皮 蘇木 吾學編曰暹羅蘇木賤夷
泥為之俗名于不敗 大風子 本草釋名曰能
月貯水可以不敗 大風子 治大風疾故名紫
梗 本草名紫鈔蘇恭曰紫色如膠作赤麋皮及
中為之如蜂造蜜 沒藥 圖經口海南諸國有之
吳錄所謂赤膠 沒藥 根株如橄欖葉青而密
歲久者膏液流滴地下凝結成塊一統志曰樹
高大如松皮厚一二寸採時掘樹下為坎用斧
伐其皮脂流於次句 血竭 本草名騏驎竭物如
餘方取之本朝充貢 血竭 乾血故名血竭南越
志云是紫鈔樹之脂也欲驗 孩兒茶 本草綱目
真偽但嚼之不慢如蠟者佳

泥曰出暹羅諸國是細茶末入竹筒中堅塞兩
頭埋汚泥溝中日久取出搗汁熬制成塊小而
潤澤者為上大 蓬蓬奈 華夷考曰華言破肚子
而焦枯者次之 蓬蓬奈 蓋果實也產於暹羅之
峇龍如大棗而青島夷乾以附遠漬以沸汁 檳
榔 椰子 酒 方輿勝覽曰四夷 犀 卑雅曰犀
如桑椹或如狗鼻者上 犀 卑雅曰象性久
無文鰓犀紋旋特犀紋細 象 卑雅曰象性久
惟鼻是其本肉膽不附肝隨月轉在諸肉 鶴頂
鼻端有小爪可以拾鍼暹羅本朝充貢 鶴頂
鳥 楊用脩載劉安期曰鶴頂也○按華夷考
海鶴大者脩頂五尺許翅足稱是吞常鳥如啖
魚鱗晝啄于海暮宿巖谷間島夷以小鏢伏於
鶴常宿所刺之平且有獲五六頭者剝其頂售
于船估比至閩廣價等金玉○又南番大海中

有魚頂中鮎紅如血名鶴魚以為帶號鶴頂紅
 有人在達官處見其鶴頂紅帶云是鶴頂剪碎
 夾打孔雀本朝尾鸚鵡異物志曰行則以口啄
 而成充貢摸其背犯者即不飲啄而卒故圖贊云鸚
 鵡慧鳥棲林啄葢四指中分行則以嘴六足
 龜大明會典云暹羅獻六足龜白鼠見吾學編

六坤暹羅屬國也風土與暹羅盡相類第六坤地故產椒是暹羅所無

交易

賈船入港約三日程至第三關舟至則偵者飛報于王又三日至第二關又三日至佛郎日本

關所至關輒聽與其近地交易不必先詣王也
 既至王城以幣帛橙橘之類貢王然王深居不
 得見其俗以海貳代錢是年不用貳則國必大
 疫故相沿不改貳即今螺巴星糕勝覽云每貿易
 輸稅各有故事國人禮華人甚摯倍于他夷真
 慕義之國也

論曰林邑夙通中華居然雄國暹羅自赤土攀
 陷亦便有衣被震旦意
 明興內附洗沐雲油占城見苦交人則屢詔銷

其鋒暹羅躡踪蒲刺加則十行折其銳蓋莫不
義畏而仁懷焉然占城從征而有二心於交暹
羅當海內清夷輒請遣子入學當屬國雲擾又
請助戰擒倭夫固二國之優劣也

東西洋考卷之三

西洋列國考

下港 加留把

下港一名順塔唐稱闍婆在南海中者也一名

詞陵亦曰社婆元稱爪哇 一統志又名蒲家龍 甲兵為諸

番之雄王宮磚墉高三丈方三十餘里屋高四

丈 宋史曰室宇壯麗飾以金碧 地覆板蒙藤花蓆踞跌而坐

唐書曰象牙為床若席 王蓬頭頂金葉冠胷縈歎絲悅腰

東錦綺佩短刀跣足跨象或乘牛前導有金鎗

珠篋及孔雀尾傘之屬

宋史曰其王椎髻戴金鈴衣錦袍躡革履坐方

牀官吏日謁三拜而退出入乘象或

腰輿壯士五七百人執兵器以從

國人見王

皆坐俟其過乃起云

宋史曰王子三人為副王官有落佶連四人其治國

事如宰相無月俸隨時量給次有文吏三百員

日為秀才掌文簿總計財貨又有卑官千員分

主城池帑藏及軍卒其領兵者每半歲給金十兩勝兵三萬亦給金有差

民居茅茨

磚庫男蓬頭女椎結衣裝纏胸以下姻聘無媒

灼但以黃金為禮將婚男造女家後五日迎婦

以牛車載綵棚實綉女其中又作假新人新婦

一雙粧束相類迎向禮拜寺訂盟然後抵家其

俗有名而無姓五月遊船十月遊山

夜前後婦數十人聚眾成隊一婦為首眾婦隨

行月下首婦唱則眾婦皆和至親友富貴家贈

以鈔帛等物每月有竹槍會其國王及妃各

乘一車至會所令男子二人為偶各執竹槍妻

各執短衣列其旁及交敵一合妻各以短木隔

之曰那刺那刺則退設中槍死王令勝者與死

者金錢一個死者

妻即隨勝者而去

樂有橫笛鼓板自為夷舞諺

所謂大平闍婆之徵也

元史曰多出奇寶取貴於中國人則醜性情性

語言與中國不能相通

病不服藥但禮佛祈禳喪有水葬

火葬大葬惟逝者所欲而已生子甫一歲以七

首佩之名曰不刺頭

俗云吧六頭

金銀象牙雕琢為

靴無貧富悉佩腰間值忿爭即拔刃相刺國人

居相語曰病死天之所厭不若刺死者身自為

雄也其輕命拘生類如此劉宋元嘉時始入中

國南史曰元嘉十二年國王師黎婆達阿施羅

跋摩遣使奉表曰宋國大主犬吉天子足下

教化一切種智安隱天人師降伏四魔成等正

覺轉尊法輪度脫衆生我雖在遠亦霑靈潤

至唐貞觀中遣使入貢唐書曰王居闍婆城其

斯城旁小國二上元間國人推女子為王號悉

莫威令整肅道不拾遺大食君聞之齎金一囊

置其郊行者輒避如是二年太子過以足躪金

悉莫怒將斬之群臣固請悉莫曰而罪實本於

足可斷趾羣臣復為請乃斬指以徇大食聞而

畏之不敢加兵大曆元和咸通之間使者屢至

朝命優答之唐書曰大曆中訶陵使者三至元

和八年獻僧祇奴四五色鸚鵡頗

伽鳥等憲宗拜內四門府左果毅使者讓其弟

帝嘉美並官之訖大和再朝貢咸通中遣使獻

女至宋淳化三年其王穆羅茶遣使來貢云中

國有真主本國願得比於外臣宋史曰先是朝

貢使泛船船至

明州定海縣掌市船監察御史張肅先驛奏其

使飾服之狀與嘗來入貢波斯相類譯者云今

主舶大商毛旭者數往來本國因假其鄉導來

朝貢又言其國王一號夏至馬羅夜王妃曰落

肩娑婆利又其方言曰船主為勤荷主妻曰勤荷此尼贖其船中婦人名眉珠椎髻無首飾以蠻布纏身顏色青黑言語不能曉拜亦如男子膜拜一子頂戴金連鎖子手有金鈎以帛帶縈之名使還賞賚甚厚大觀三年再貢詔禮之如

交趾元遣史弼高興征之終不能制元史曰世祖撫有華

夷其出師海外諸番者惟爪哇之役為大

我朝洪武二年遣行人賜爪哇國璽書三年王

昔里八達刺遣使奉金葉表貢方物及黑奴三

百人納元所授宣勅二道已而我使至三佛齊

爪哇要而殺之宋史曰其國與三佛齊有仇怨互相攻戰十三年王

八達那巴那務來貢

上絕其使下詔責王末樂元年西王都馬拔奉

表賀即位二年東王李令達哈遣使朝貢請印

與之西王亦歲歲貢使來朝五年西王與東王

戰滅東王時我舟過東王城西王殺我百七十

人西王懼遣使謝罪

勅責西王令償死者金六萬已僅入貢萬金禮

官請索如約

上曰朕利金耶令遠人知畏耳蠲其金賜鈔幣

諭之八年貢馬及方物十一年復貢是時三佛
齊已降爪哇更名舊港中貴人吳賓使爪哇還
奏言滿刺加國王詭稱朝旨從爪哇索舊港地
爪哇人不敢即寧

上降勅附來使慰諭之俾無猜惑十三年都馬
板更名楊惟西沙專使謝恩十六十九年凡再
貢而東王久不至蓋先是為西王所破詭言欲
立其子意竟不果而遂滅也正統二年再貢厚
賜之景泰時請封賜莽衣繖蓋天順四年王都

馬班貢使還國以綵幣賜其王及妃鄭端簡謂
其國人大抵三種唐人土人而外西番賈胡居
久者服食皆潔近紅毛番建禮拜寺彼中蓋其
別種由來漸矣

加留玳下港屬國也半日程可到風土盡相類
云

形勝名蹟

新材舊名廟村中華人客此成聚遂名新材約
千餘家材主粵人也賈船至此互市百貨
充中有三百餘歲身穿紙衣西山樹上辟穀能知吉凶呼為老仙覆鼎山

其上一似蘇魯馬益港傍大洲林木蔚茂千餘家
 釜故云蘇魯馬益強半是中國人又有長尾猿
 數萬人相傳唐時族衆究惡一日有僧至其家
 取水喫之俱化為猿止留一姬不化至今餘種
 猶存麻喏巴歇材元史瓜哇傳曰由戎牙路於麻
 殺至麻喏巴歇後人訛為滿者伯漳估山賈人
 夷中有二三百家總領七八人
 之郎卑野州唐書曰王嘗登之以望海夏至
 處郎卑野州立八尺表景在表南二尺四寸
 鷓鴣山出鷓鴣石椔相傳是鄭和所遺者重只百
 置他所廬疫甚多斤二千餘人擡之不翅及徒
 國王乃移還其處元史曰大軍閣婆城
 唐書訶陵傳婆露伽斯城唐書吉延東遷處旁
 王居閣婆成國二十八莫不臣服
 淡水卷去蘇魯馬益二十里

物產

金唐書曰出真珠宋史閣婆傳曰方言謂
 木朝皆犀角宋史曰方言謂犀角為低象牙宋史
 充貢言謂牙為家囉玳瑁宋史曰方言謂
 檀香宋及本朝充貢了香生深山中樹極辛烈不可近
 香乃湧澗溪而出撈拾銅鼓即今華人所用者
 數日不盡宋時充貢振響過雲價龜筒本朝絞布宋史有繡紋絞布
 直可數十金充貢藤花簾宋時硫黃見宋紅花習鑿齒
 吉貝見宋藍者也爾雅翼曰花生時但作黃色茸然故
 又名黃藍杵灌水淘絞去黃汁更搗以清酸

粟漿淘之絞如**夷瓶**下港出者其色紅**蘆薈**本草曰一

初即收取染紅**名奴會俗呼象膽以味苦如膽也一統志**阿魏

曰草屬狀如蠶尾採之以玉器搗研成膏**取脂或曰脂毒人不致近繫羊樹下自遠射之**

毒着羊**胡椒**樹如蒲桃葉如扁豆實如浮葵

斃即為魏**青鹽**唐書曰詞陵最富有穴自湧鹽按

種桐先**木爪**爾雅謂之楸何承文賦所謂方朝華而繁

實比沙棠而有躍者也宋史載為爪蛙所

剗之取汁成酒**椰子**舊唐書曰以椰樹花為酒其

味甘飲之亦醉**蝦蟇丹樹**宋史曰其酒出於椰

丹樹華人**波羅密**菓澄茄一統志曰藤蔓春

未嘗見

菴吉柿華夷考曰如石榴樣皮厚潤有橘囊榨

為網**赤白荳蔻**本朝**海菜**海物異名記曰海生

角菜一名猴葵南越考曰猴葵色赤生**思君**似

石上謂之鹿角以其莖有岐也故名**蘇木**南州記云生海

羅密而中無子**茴香**見宋**蘇木**南州記云生海

烘食之似芋**蘇木**南州記云生海

女**犀象**見宋**白鹿**學編**猴**宋史曰國中多猴

之聲即出投以果實則二大猴先至土**孔雀**本

人謂之猴王猴夫人食畢羣猴食其餘**孔雀**朝

充貢博物志曰尾多變色喻如雲霞**鸚鵡**日眾

人拍其尾則舞尾有金翠五年始成**鸚鵡**四趾

鳥足趾前三後一其目下臉眨上惟鸚鵡四趾

齊分兩臉俱動雅翼曰五色尤慧白次之青為

下按白者闍**傾伽鳥**唐時**倒掛鳥**星槎勝覽曰

婆宋時充貢**傾伽鳥**唐時**倒掛鳥**身形如鵲而

羽五色日間焚香則收藏之羽翼綠鳩似鸚鵡而小不復能言俗名相樓鳥其五彩者名彩鳩

交易

華船將到有會來問船主送橘一籠小兩傘二柄會馳信報王比到港用果幣進王立華人四人為財副番財副二人各書記華人諳夷語者為通事船各一人其貿易王置二澗城外設立舖舍未史闍婆傳曰中國凌晨各上澗貿易至午而罷王日徵其稅又有紅毛番來下港者起

土庫在大澗東佛郎機起土庫在大澗西二夷俱哈板船年年來往貿易用銀錢如本夷則用鉛錢以一千為一貫十貫為一包鉛錢一包當銀錢一貫云下港為四通八達之衢我舟到時各州府未到商人但將本貨兌換銀錢鉛錢迨他國貨到然後以銀鉛錢轉買貨物華船開駕有早晚者以延待他國故也

東埔寨

東埔寨即古真臘國也其國自呼甘字智後訛

為甘破蔗今云東埔寨者又甘破蔗之訛也風土

記云西番經名其國曰激浦只蓋甘字智之近音先為扶南屬國王姓

利利氏至質斯多那兼扶南而有之遂雄諸夷

既死子伊奢那先代立隨大業十三年遣使貢

獻帝禮之甚厚至唐疆土寢闕神龍以來國分

為二北多山阜號陸真臘南近海號水真臘久

之仍合為一今賈舶至者大都水真臘地也宋

政和六年使者來貢賜朝服服之宋史曰奉化

哥等十四人來貢賜以朝服僧哥言萬里遠國仰投聖化尚拘卉服未稱區區嚮慕之誠願許

服所賜從之仍以其事付史館明年辭去宣和二年詔封其國

王與占城等建炎間以郊恩授王榆校司徒加

食邑其國屢與占城戰戰失利至建元時大舉

復仇破占城遂王其地改國號占臘蓋於是地

方七千餘里矣元之置省占城也嘗遣一虎符

一金牌同往真臘為所拘執元貞中始招諭賓

服之

明興國王保兒那獻琛內附二十年七月行人

唐敬還自真臘王遣使貢象五十九頭香六萬

勛未樂政元遣使者

諭卽位二年八月國王叅烈婆毘牙遣陪臣九人來貢賜鈔幣有差先是中貴人奉使彼中將歸有健兒三人夜遁去索之不得其王以國中三夷人充數還朝旣引見

上曰華人自遯何與彼事而責償之過且若輩語言不通風土夔隔將焉用此而令背井離鄉之爲顧命禮部給道里費善遣之尚書李至剛曰臣意華人必不甘逃遯彼土或爲彼所匿則

此三人於法應留

上曰何須逆詐人主但推天地之心以待遠人可也三年叅烈婆毘牙殂命鴉臚王攷往祭之封其子叅烈昭平牙爲王賜綵幣七年奉金鏤表貢馴象及方物景泰三年再貢王城周圍可二十里城上石佛頭五飾其中者以金王宮及府第皆面東宮殊壯麗

風土記曰蒞事處有金

四十八面

憲橋左右方柱上有鏡

列於憲旁王三日一視朝坐七寶牀上着朝霞

鞞履耳懸金鐙嘗服白氍

風土記曰男女椎髻以布圍腰出入則加

以大布圍小布之上惟國主打純花布頭戴金

冠有時穿茉莉之類周匝髻間項上戴大珍珠

三月許手足及指上皆帶金鐙指展

上簞貓精石手掌用紅藥染赤色

稽首階下者三王呼上階則跪以兩手抱膊遶

王環坐議國事訖詭伏而去

風土記曰國主坐

上以俟少頃內中隱有樂聲外吹螺迎之須

史二宮女捲簾國十仗初立金窻中矣臣僚合

掌叩頭螺聲方絕國主隨亦就坐坐處緋子皮

一傾乃傳國之寶言事畢國主轉身二宮女復

垂簾國中有金塔金橋歲時一會羅列玉猿孔雀

白象犀牛於前名百塔洲

風土記曰用中國十

月為正月名為佳得

官前縛大棚可容千人掛燈檉花果之屬封岸

遠離二十丈地以木接續縛成高棚每夜裝煙

火爆杖請國主觀燈如是半月而後止四月拋

毬九月壓獵壓獵者聚國眾皆來城中教閱

宮外五月迎佛水聚遠近之佛皆送水與國主

洗身陸地行舟國主登樓以觀七月燒稻蓋新

稻已熟迎於南門外燒之供佛婦女觀者無數

主卻不出八月挨藍挨藍者舞也點差

伎樂宮內挨藍且鬪猪鬪象如是一旬諺所謂

富貴真臘也生女九歲擇僧道去其童身名曰

陣毯

風土記曰官司每歲四月內擇日頒行本

國有女應陣毯之家先行申報給巨燭一

條燭問刻畫一處點至刻畫處則為陣毯時候

矣先期父母擇一僧是夜大會親隣以絲帛結

二亭子一坐女子一則僧坐其中至期與女俱

入房手去其童納之酒中天明以鼓樂送僧去

後當布帛與僧贖身否則女終為僧有不得他

適婚娶男女兩家俱八日不出門晝夜燃燈相
 續人死輿置之野聽烏鳶食頃刻食盡者以為
 福報居喪但髡其髮女人於額上剪髮如錢大
 曰用此報親文字以鹿鹿雜皮染黑隨其廣狹
 以意裁之用粉如白堊類磋為小條子拈於手
 中就皮畫以成字永不脫落作字皆從後書向
 前卻不自上書下也沃野彌望一歲可三四獲
 風土記曰糞田種蔬其國謂儒為班詰僧為苧
 皆不用穢嫌其不潔姑道為八思班詰不知所讀何書但由此入仕

則為清賈微時於打布之外頂上挂白線一絲
 以此自別既貴曳白線如舊僧皆食肉直不飲
 酒肉亦時以供佛王有大故輒僧為司南今賈
 有到王城者只到海隅一屬國耳故不觀其麗
 靡或云卽蒲甘地按宋史蒲甘入貢朝議欲待
 以交吐之禮制詔書白背金花綾紙貯以間金
 鍍管鑰用錦絹夾襍緘封以往乃本朝貢夷獨
 無蒲甘應是為真臘所弁無疑矣

形勝名蹟

陸伽鉢婆山隋書曰上有神祠以兵五千守衛
 王別殺人以夜祀之伊奢那城隋書曰伊奢那先
 禱亦守衛千人代立居伊奢那城

婆羅提拔城 按唐書是水真臘所居處 真蒲 風土記曰真蒲

叢味長江巨港綿亘數百里古樹脩藤森陰蒙翳禽聲雜遯其間至半港始見曠田絕無寸木

彌望荒荒 籐木州 以木為城是 竹坡 風土記曰綿亘數百

忝苗而已 籐木州 華人客寓處 佛村 風土記曰自查南換

里其竹節相間生刺 佛村 小舟順水上餘日過

荀味苦四畔皆高山 佛村 風土記云在南門外周

半路村 魯班墓 風土記云在屋數百間 銅臺 宋

佛村 魯班墓 風土記云在屋數百間 銅臺 宋

曰列銅塔二十四銅象八 內中金塔 風土記曰

以鎮其上象重四千斤 內中金塔 國主夜財

其上塔中有九頭蛇精乃國之土地主也係丈

身每夜困主先與同寢雖其妻不政入二鼓乃

出方與妻妾同睡若此精一夜不見則 淡水洋

王死期至矣王一夜不往必獲災禍 淡水洋

風土記曰四月至九月每月午後下雨洋中水

度高七八丈巨樹盡沒僅留一杪耳人家濱水

物產

犀角 風土記曰白而帶 象牙 風土記曰以

時為人所取者次之 鶴頂 翠羽 風土記曰叢

苑山中多年者為下 鶴頂 翠羽 風土記曰叢

飛入求魚番人以樹葉蔽身坐水濱籠一

雌誘之持小網伺其來則罩日獲三五隻 銅

金顏香 一統志曰香乃樹脂擘開雪白者為作

香塗 篤耨香 本草綱目曰出真臘國樹如松形

篤耨香 本香老則溢出色白而透明者名白

炙樹令脂再溢至冬凝復收之雜以樹皮者名

黑篤耨一統志曰盛之以瓢 沉香 一統志曰出

碎瓢裝之亦香名篤耨瓢 沉香 真臘為上占

者皆移入山後十月至三月點雨絕無洋
僅通小舟深不過三五尺人家又復移下

城次 速暫香 一統志曰出真臘為上伐樹去木

者謂之熟速其暫香 取香者謂之生速什木腐而香存

心其外白木 蠟 風上記曰出村落枯樹間一種

厚八九寸 蠟 細腰蜂番人取得之一船可收

者三四十斤 藤黃 本草曰樹名海藤花有藥

沙黃就樹 布 風土記曰土人不事蠶桑僅織木

採者輕妙 網布亦不能紡以手理成條無機

搭上一梭只用一竹管 獺皮 夷篋 明角 烏

角 燕窩 胡椒 生風土記曰纏藤而 紫梗 風土

生樹枝間如桑 大風子 風土記曰大樹之子如

寄生狀頗難得 葉 菴羅樹 隋書曰花

婆那娑樹 似柿實似冬瓜 葉似棗實

似毗野樹 隋書曰花似木辰 田羅樹 隋書曰花

李毗野樹 葉似杏實似楮婆 椰 椰子

小異 歌畢佗樹 而厚大實似李其大如升 椰子

檳榔 唐書曰客至削檳 荳蔻 絲瓜蔓衍山谷

春花 酒 風土記曰酒有四等第一呼蜜糖酒用

夏實 藥麴以蜜及水為之次者呼朋牙四以

樹葉為之乃樹葉名也又次以米或剩飯為之

名包稜角包稜角者米也其下糖鑑酒糖為之

又人港濱水有艾漿酒按唐書真臘飲 麝香木

酒者比於滙顧後人亦漸預醉鄉矣 麝香木

一統志曰蘇方木 蘇恭曰樹似菴羅花黃子青

氣似麝臍 犀 象 宋史曰國戰象幾二十

木狀曰煎汁忌 犀 象 萬慶元二年貢馴象二

鐵器則色黧 犀 象 如象吸水噴高五六

孔雀 鸚鵡 建同魚

十浮胡魚隋書曰形似鮠紫如鸚鵡有八足

交易

船至篙木以柴為城會長掌其疆政果幣將之
遂成質而徵償夷性頗直以所鑄官錢售我我
受其錢他日轉售其方物以歸市道甚平不犯
司蹠之禁間有鯁者則熟地華人自為戎首也
風土記曰國人交易皆婦人能之所以唐人到
彼必先納一婦兼利其能買賣故也每日一墟
自卯至午則罷無居舖但蓬席鋪地間亦有司
賃地錢土人見唐人頗加敬畏呼之為佛見則
伏地頂禮近亦有欺負唐人由去人之多故也

大泥吉蘭丹

大泥即古淳泥也本闍婆屬國今隸暹羅其國
以板為城宋史曰城中居者萬餘人所統十四州以銅鑄甲宋史曰戰
鬪者將刀被甲甲以銅鑄狀若大筒穿之於身護其腹背其王所居屋覆貝
多葉王服頗劾中國在王左右者為大人王坐
繩床出即大布坐其上象鼻之名曰阮囊民居
覆草椎髻以五綵帛繫腰花錦為衫市用金錢
國人宴會鳴鼓吹笛擊鉦歌舞為樂愛敬華人
見華人醉者扶之以歸婚聘之資先以椰子酒

櫛擲次之指環又次之後量用金錢成禮喪制
 有棺以竹為輦載棄山中二月始耕則祀之如
 是者七年不復祀矣原田豐利臘月七日為歲
 節地熱多風雨盛食無噐竝以竹編貝多葉貯
 之食畢輒棄捐古稱其鄰有藥樹取根煎為膏
 服之及塗其體兵刃不能傷也宋太平興國二
 年其王向打遣使從商人蒲盧歇為導人都朝
 貢其表以小囊緘封數重非中國紙類木皮而
 薄瑩滑色微綠長數尺濶寸餘橫卷之僅可盈

握其字細小橫讀之使至詔館於禮賓院優賜
 遣歸元豐五年王錫理麻喏復遣使貢方物乞
 從泉州乘海舶歸國從之明興洪武四年王馬
 漠沙遣使進金表銀箋并貢方物續文獻通考
 曰遣御史張
 敬之往諭其國辛丑遣其臣朝貢
 詔賜金綺水樂三年遣使封其國主麻耶惹加
 那乃為淳泥國王
 賜印諸符幣六年王率其妻子來朝遣使迎勞
 之王上金表獻珍物妃箋獻

中宮

東宮

上宴王奉天門是年王卒于都下

賜諡恭順葬石子岡

續文獻通考曰在安德門外

樹碑立祠

有司春秋致祭封其子遐旺為王

賜玉帶金銀綺帛他物稱是禮送還國遐旺請

封其國後山賜名長壽鎮國

上自為文俾勒于石卡二年及洪熙元年皆來

朝貢萬曆間國王病卒無子族衆爭立國中相

誅殺俱盡乃立其女主為王初溆人張某為哪

啻哪啻者大會之號也國難既作哪啻避禍出

奔女主既立乃遣人迎哪啻復其爵號其女出

入宮中有心疾一日向女主言父欲反女主大

恐恐使人按哪啻家哪啻自殺已而國人訟哪

啻無反狀女主尋悔之絞殺其女官其子為會

紅毛番近築上庫于中謀入澎湖互市者携大泥國文也事詳紅毛番考

吉蘭丹即渤泥之馬頭也風俗俱同渤泥嘉靖

末海寇餘衆遯歸于此生聚至二千餘人行劫

海中商舶苦之

或謂吉蘭丹即小葛蘭國按小葛蘭與柯枝接境而吉蘭丹在大泥相連去彼遠甚但大泥吉蘭丹俱鑄金為錢而柯枝與小吉蘭亦俱用金錢以此相同影

響之所自起也姑載之以破疑

形勝名蹟

長寧鎮國山

永樂六年國王麻那惹加那乃上言蒙恩封王爵境上皆屬職方國

有後山乞表為一方之鎮王卒子遐旺復以為請封為長寧鎮國山

御製碑文刻石其上

物產

金星糕

勝覽曰大金錢名

犀角

宋史充貢鶴

頂見

一統志

玳瑁

見宋史宋及

翠羽

錫

香

宋史充貢

降香

本朝充貢本草曰似蘇方木紫而潤為良

片腦

即龍腦香一統

志曰樹如杉檜取者必齋沐而往其成片似梅花者為上次有金脚腦速腦朱腦蒼腦札聚腦

又一種如油名腦油

吉貝布

宋史曰無絲蠶用吉貝花織成布

明角

獬

皮

錦魴皮

燕窩

西國米

那名沙孤朱其樹名沙孤身如

蕉空心取其裏皮削之以水搗過春以為粉細者為王朱最精粗者民家食之以此伐殺今賈

船慮為波濤所濕只擯榔見一椰子統志一荇藤

携其粉歸自和為丸

異物志曰荇藤圖數寸重於

竹可代篾以縛船勝竹也

加蒙樹 一統志曰二

犀 象

孔雀 本朝

金翠燁然羽族最華輝者 鸚鵡本朝

交易

華人流寓甚多趾相踵也舶至獻果幣如他國
初亦設食待我後來此禮漸廢矣貨賣彼國不
敢徵稅惟與紅毛售貨則湖絲百斤稅紅毛五
斤華人銀錢三枚他稅稱是若華人買彼國貨
下船則稅如故

舊港 詹卑

舊港古三佛齊國也初名干陀利又名渤淋在
東南海中本南蠻別種居真臘爪哇之間王號

詹卑故今王所部號詹卑國而故都為爪哇所

破更名舊港以別於彼之新村云 俗名吉寧邦 其地

故稱沃土諺云一年種穀三年生金言其朱穀

盛而多貿金也冬無霜雪累甍為城民散居城

外香油塗身覆屋多用椰葉市用錢布字訪梵

書以國王指環為印 宋史曰亦有中國文 俗置

好淫水戰甚慣 文獻通考曰習水陸戰 其國多

水而少陸部領乃聚岬築屋以居僮僕環之其

餘民庶悉架室木筏上以木椿拴閘水長則筏

浮起不能沒也或將別居則起樁去之連屋移

徙不勞財力島夷志謂好潔淨故於水上架屋與此不同其樂有小

琴小鼓毘輪奴踏曲之類劉宋孝武世始貢中

國南史于陀利傳曰王釋羅那鄰陀遣長史竺留陀獻金銀寶器梁天監元年

其王夢中國有聖人如是者再因圖夢中所見

遣使獻王盤容質果與梁帝合歲時望北頂

禮南史曰王瞿曇脩跋陀羅以四月八日慶一僧謂曰中國今有聖主十年之後佛法大興

若遣使貢奉禮敬則土地豐樂商旅百倍若不

信我則境土不得自安初未之信既又夢此僧

曰汝若不信我當與汝往觀乃於夢中至中國

拜觀天子既覺心異之陀羅本工畫乃寫夢中

所見武帝容質飾以丹青仍遣使并畫工奉表

獻玉盤等物使人既至模寫帝形還國比本畫

則符同焉十七年及晉通元年凡再至後亦遂絕唐

天祐初復通授其使都蕃長蒲訶堯寧遠將軍

宋時貢使絡驛按宋史建隆元年王悉利胡大霞里檀遣使李遮帝朝貢二年

夏又遣使蒲茂貢方物是冬其王室利烏耶遣

使茶野伽朝貢其後歲各一至太平興國五年

王夏池遣使茶龍眉來是年潮州言三佛齊國

蕃商李南誨乘船載香藥犀角象牙至海口

會風勢不便飄船六十日至潮州其香藥悉送

廣州八年王還至遣使蒲押拖羅來貢雍熙二

年船主金花茶以方物來獻端拱元年遣使蒲

押陀黎貢方物淳化三年廣州上言蒲押陀黎

前年京廻聞本國為閻婆所侵住南海一年今

春乘船至占城偶風信不利復還乞降諭本國

從之嘗建佛寺以祝聖壽願賜名及鍾詔以承天
萬壽為寺額鑄鍾給之時咸平六年也其後貢
獻不絕每優賜遣歸元豐時使者入見以金銀
花貯真珠龍腦撒殿用昭殊敬宋史大中祥符
元年王恩離
囉皮遣使來貢許赴泰山陪位于朝覲壇天禧
元年王霞遲蘇勿旺滿迷遣使貢真珠象牙梵
夾經崑崙奴詔許謁會弄觀游太清寺金明池
及還賜詔慰獎之天聖六年王室離疊華遣使
來貢舊制遠國使人賜以間金塗銀帶時特以
渾金帶賜之熙寧十年使大首領地華伽囉來
以為保順慕化大將軍元豐中使至者再天子
念其道里遙遠優賜遣歸二年賜錢六萬四千
緡銀一萬五百兩官其使羣陀畢羅為寧遠將
軍他旁亞里為保順郎將畢羅乞買金帶白金

器物及僧紫衣師髻皆如所請給之三年廣州
南蕃綱首以其國王之女唐守書寄龍腦及布
與提舉市舶絲迥迥不敢受言於朝詔輸之官
巾帛以報五年遣使皮襪來官皮襪為懷遠將
軍六年又以其使薩打華紹興二十六年貢使
滿為將軍紹聖中再入貢
復至帝曰遠人向化嘉其誠耳非利方物也淳
熙五年詔免赴闕館於泉州洪武二年詔行人
趙述往使其國王恒麻沙那阿遣使隨述奉金
葉表來貢
賜曆及文幣六年復貢八年遣使從使者招諭
拂菻九年王殂王子麻那者巫里表請紹封

詔授駝紐鍍金銀印封三佛齊國王久之丞相胡惟庸事發事連三佛齊懼而貢絕三十年上念遠夷希至謂禮臣曰惟庸謀叛三佛齊乃生間諜詒我使臣至為爪哇聞知禮送還朝今度已悔禍朕欲許其自新暹羅在遠國中最稱恭順而爪哇則三佛齊所悉索敝賦以從者也

可移檄暹羅達于爪哇俾戒諭三佛齊嘉與更始禮臣如

昔以行末樂初年三佛齊竟為爪哇所破廢為舊港是時南海豪民梁道明竄泊茲土眾推為會閩廣流移從者數千人

廷議遣行人譚勝受往招之道明隨勝受來歸

廣東通志云譚勝受南海人鄉薦授臨桂丞以最召拜監察御史坐事降行人時閩廣流徙從梁道明者數千人指揮孫鉉使海南遇其子及二奴挾與俱來海上以勝受同鄉命借其二奴齋勅往招道明遂從人朝賜道明襲衣鈔百五十錠文綺十二表裏絹七十二疋勝受奏事稱吉羅浙江按察使

留副會施進卿代領其眾五年中貴鄭和奉使西洋還過舊港遇流賊陳祖義祖義詐降潛謀要劫和斜賊無歸順意整兵以待賊

倅至與戰大破之斬獲無算械祖義至京伏誅
諸夷聞之震懾曰真天威也吾曹安意內向矣
是年施進卿遣婿朝貢

詔命進卿為舊港宣慰使賜印誥冠服及文綺
後進卿卒二十一年以子濟孫嗣印燬于火
詔給之

形勝名蹟

彭家山 在港外 承天萬壽寺 宋時賜額今廢

物產

珠 宋史曰以珠獻宰臣秦 金 宋時入貢 珊瑚 宋時入貢魏仲培

犀角 宋時入貢 象牙 宋時入貢 琉璃 宋時入貢魏仲培 摩娑石 庚

物形澤光潤踰於眾玉其色不常今 皆銷治石汁以眾藥成之非其物也

燒之作硫黃氣以形如黃龍齒而堅重者佳姚

西溪叢話曰船過山下愛水晶 宋時入貢 沉香 見宋

其石以手捫之故名摩娑 宋時入貢 安息香 宜於燒然能發眾香故人取以和香

腦香 宋時充貢使者 乳香 一統志曰樹類溢于外凝

結而成其品十有三有滴乳 降香 金銀

香 華夷考曰其香如銀匠攪糖相似中有白蠟

般白塊在內好者白多低者白少焚之香

美出舊 **木香** 一統志曰樹類乾 薔薇水 一統志

港園 瓜冬取根曬乾 薔薇水 一統志

薇花上露花與中國薔薇不同土人多取其花

浸水為露故多偽者以瑠璃瓶試之翻挂數四

其包周上 **蘇合油** 一統志曰濃而 **猛火油** 考曰

下者為真 樹津也一名泥油大類樟腦第能腐人肌肉然

置水中光焰愈熾蠻夷以制火器其降甚烈帆

檣樓檣連延不止魚 **臘臍** 圖經曰舊說似祇

驚遇者無不焦燥 所圖乃魚類而首兩足其臍紅紫色上有紫

班點欲驗其真取置睡大旁大忽驚跳若狂

吉貝 椒 國中最多他 **阿魏** **蘆薈** **沒藥**

血碣 一統志曰樹畧同 **烏楠木** 一統志曰單馬

欄可為 **扁桃** 北戶錄曰占卑園出福核桃 **沒石**

器用 形如半月狀取食絕香美

子 一統志曰樹如棹開 **萬歲棗** 見一 **火雞** 瘴崖

日三佛齊出火雞大如鶴身圓頸長頸有二紅

軟冠狀如紅褐嘴尖毛如羊毛脚長其爪甚利

好食熟炭 因名火雞

交易

舟至獻果幣有成數詹卑人商量物價雖議償

金多少然非償金實償椒也如值金二兩則償

椒百石其大較云喜買夷婦他國多載女子易

其椒以歸香港則用鉛錢矣三佛齊夙稱蕃盛

國破以後漸覺故都滿目蕭條賈人亦希造

續文

獻通考曰萬曆丁丑中國人見大盜林朝曦
在三佛齊列肆為番船長如中國市舶官

論曰閩婆娑真臘故島外繁華地也東西之王水
陸之國嚮化已非一朝渤泥三佛齊亦雄視諸
部而或以守祧或以易姓華人適入司彼國鈞
傭中佼佼輒復驅歛遠夷益以覘
皇靈之無外矣

